

Fasnacht 2002



Schineblooser-Waggis



Das schreggli Swissair-Crossair Debaakel
Isch fir schreegi Veegel e toll Spektakel
Si händle um s'Saage, Gäld und Macht
S'spilt kai Rolle, weele Stuehl ass kracht
Drum nimmt dr Sutter dr Huet und seit zum Meier
In Ziri, deert hogge die greeschte Geier!





Im Glaibasel kaa me heerlig feschte
Schreegi Veegel gänn do s'Bescht zem beschte
Ob im Schofegg, Schiefegg oder Linde
Au im Rote Kater sinn si z'finde
Sogar in dr Fischerstube, das isch jo klar
So schreegi Veegel sinn eifach wunderbar!



Ai schreege Vogel kasch – persee
Hind'rem Gool vom FCB gsee
Voll Stolz stoht är am Spilfäldrand
Die rot-blau Fahne fescht in dr Hand
Är stoht derzue und zeigt stolz sy Gfider
Au die schreege Veegel kemme wider

Die letschte schreege Veegel

Schreegi Veegel sinn Rariteete
E bsund'ri Gattig, Spezialiteete
De findsch si nimm an jeedem Egge
Fascht mien si sich sogar versteppe
Mir aber stehn derzue und zeige s'Gfider
Mir schreege Veegel kemme wider

Au hind'rem Sport kaa me sich guet versteppe
Und syyni Trimpf erscht speeter uffdegge
Drum hänn mir ei Vogel ganz gärn lo goo
Ihn hänn si danggbar bim FCZ gnoo
Jetz zaige mir stolz unser rot-blau Gfider
Und hole dr Meischerbächer nach Basel wider

Mängg schreege Vogel fyhlt sich dehaime
Wenn är wirgge kaa im Ghaime
Geegen usse isch är dr suuber Maa
Will är sich in dr Wirtschaft versteppe kaa
Mit em guete Name zeigt är stolz sy Gfider
Au soo schreegi Veegel kemme wider

S'git schreegi Veegel, die schwimme im Gäld
und Gäld regiert halt laider d'Wält
si stregge sich noo dr eig'ne Deggi
Alli andere blyybe uff dr Streggi
Ob glänzig schwarz, ob farbig Gfider
Au sälli Veegel kemme wider

